

حرید علیہ

مشیت جلیلمہ اسلامیہ نک حریدہ رسیہ پیدر

صفر ۱۳۳۷

عدو: ۴۰

آیدہ بر نشر اولنور

دروچی سنہ

شورای دولت مالیه و نافعہ دائرہ سنک ۴۳۵ نومبر و لو

مضبوطہ سنک صورتیدر

مقام والای مشیختپناہینک شورای دولته حوالہ بیوریلان ۱۱ شباط ۳۳۴ تاریخ
 و درت نومبر و لو تذکرہ سی مالیه و نافعہ دائرہ سنک مطالعہ و مالیه نظارتیلہ مخبرہ اولندی
 تذکرہ مذکورہده مأمورین و مستخدمین علمیه دن و یا معلمیند اولوبده عہدہ لرنده
 درسعالمق و مدرسلاک و سائرہ بولانلرہ متعلق ۱۵ مارت ۳۳۳ تاریخی قانونک التجی
 مادہ سنک اشبو قانونک تشری تاریخندن اعتباراً عہدہ لرنده مأموریت و یا معلملاک اولانلرک
 درسعالمق و ذیل مشیختی معاشلری عائدات تقاعدیہہ تابع اولیوب اجرت نامیلہ اعطا
 قلنہ جنی محرر اولسنہ و ۲ نیسان ۳۳۳ تاریخی مدارس قانونک طقوزنجی مادہ سنک
 درسعام ترتیبندن معاشی اولان مدرسلاک فقرات سابقہ موجبہ حساب اولنہ حق
 استحقاقلری درسعالمق معاش شخصندن فضلہ اولماز ایسہ یالکمز درسعالمق معاشی
 و فضلہ اولورسہ درسعالمق معاشہ ضمیمہ فضلہ استحقاقلری و یریلہ جکدر دینلمسنہ
 نظراً عہدہ سنک دارالخلافہ العلیہ مدرسہ سی مدرسلاکی بولنوب سالف الذکر قانون
 موجبہ درسعالمق معاشندن فضلہ اولہرق مدرسلاک معاشی آلمقدہ اولان درسعام
 اقدیلرک درسعالمق معاشیلہ برابر مدرسلاک معاشی شی واحد عد ایدیلرک ہر ایکسندن
 عائدات قطع ایدیلوب ایدلما سی و درسعالمق معاشی قید حیاتہ مقترن و مدرسلاک معاشی
 ایقای خدمتیلہ مشروط اولسنہ کورہ ہر ایک معاش بشقہ بشقہ معاملہہہ تابع طوتیلہرق
 مدرسلاک معاشندن عائدات تقاعدیہ کسلیمکدہ اولانلرک درسعالمق معاشلرندن عائدات
 مذکورہنک عدم قطعی و مکاتب سائرہ دن برندہ معلم اولسنہ مبی حکم قانونہ توفیقاً
 درسعالمق معاشلرندن عائدات تقاعدیہ و یرمماکدہ اولان بردرسماک دارالخلافہ العلیہ
 مدرسہ سی مدرسلاکندن طولابی المقدہ اولدینی مدرسلاک معاشلرندن دخی عائدات قطع
 ایدیلوب ایدلما سی جای تردد کورندیکسندن تیفتیک شورای دولتہہ تدقیق لزومی
 بیلدیرلشد مالیه نظارتنک اشعار جوابیسیہ درسعالمق معاشی قید حیات ایلہ مقید
 اولسنہ و مدرسلاک معاشی ایسہ معلملاک معاشی مہیتندہ اولوب عزل ایلہ منقطع بولنسنہ
 بناءً ہر ایک شی واحد عد اولنہ میہ جفتدن مدرسلاک درسعام معاشلرندہ تبدل واقع

اولماز ایسه معاش مزبورک توقیفاته تابع طوئلی و درسعالمق معاشندن فضله معاش آلانلرک درسعالمق معاشی مقدارینک اجرت اطلاقله عائداته تابع طوئلیموب فضله سنک مدرسلک معاشی عد اوله رق یالکز مقدار منضمندن توقیفات اجرایی و درسعالمق ایله مدرسلک معاشلرینی آیری آیری استیفا ایدنلرک کذلک درسعالمق معاشلرینک اجرت عدیه مدرسلک معاشلرندن عائدات اخذی ۱۵ مارت ۳۳۳ تاریخی قانونه موافق اوله جنی مرکزنده در .

ایجابی تأمل اولندی . مدارس علمیه قانوننک طقوزنجی ماده سنده درسعالمق ترتیبندن معاش آلان مدرسلرک بر موجب قانون حساب اوله حق استحقاقلری درسعالمق معاش خصصندن فضله اولماز ایسه یالکز درسعالمق معاشی و فضله اولور ایسه درسعالمق معاشنه ضمیمه فضله استحقاقلری و بریله چکی محرر اولمسنه کوره ماده مذکوره حکمی مدرسه مزبوره مدرسلکنه تعیین قلنان درسعالمق درسعالمق تخصیصاته مقابل مدرسلک وظیفه سی ایفا ایله مکلف قلمقده و فقط مدرسلک تخصیصات معینه سی درسعالمق معاشلری مقدارندن فضله بولندیقی تقدیرده ارده کی فرقک ضمی صورتیله درسعالمق معاشلرینک موقتاً تریدینه مساع کوسترمکده در شو حالده درسعالمق نظرأ درسعالمق ایله اشبو مدرسلرک قانوناً عین ماهیتده عدایدلش اولدیغندن دیکر بر مأموریت و یا معلک ایله بر ذات عهدده سنده عدم اجتماعی حالنده بر موجب قانون درسعالمق معاشلرینک بر جزئی مقامنده بولنان مدرسلک فرق منضمملری حقه دهخی توقیفات نقطه سنندن درسعالمق معاشلرینه متعلق معاملهنک تطبیقی اقتضا ایدر . اشبو مدرسلکده بولنان درسعالمق عهدده لرنده دیکر بر مأموریت و یا معلملکی جمع ایدلکلی تقدیرده درسعالمق متعلق ۱۵ مارت ۳۳۳ تاریخی قانوننک سالف الذکر النجی ماده سی موجبجه درسعالمق معاشلرینک مع فرق اجرت اعتباری و بناء علیه توقیفاته عدم تبعیتی لازم کورایشک تفسیر قوانینه تعلقه منبی هیئت عمومییه تودیبی تذکر قلندی اولاباده امر و فرمان حضرت من له الا کر مدر .

۵ رجب ۳۳۶ و ۱۷ نisan ۳۳۴

هیئت عمومییه دن یازیلان ذیلک صورتیدر

مالیه و نافعده دائره سنک اشبو مضبوطه سی هیئت عمومییه ده قرائت اولندی .
ایجابی لدی التأمل درسعالمق مدرسلکه تعیین اولانلرک معاشلری حقه ده توقیفات

نقطه سندن اولنه حق معامله به دائر دائر مشارالیه اجه اتخاذ اولتان قرار مصیب کورلدی. عهده سنده معلمک اولدینی حالد مدرسلکه تعیین ایدیلانلره متعلق فقره به کتجه مدارس علمیه قانوننک سسکرنجی ماده سنده مدرسلردن مأموریت رسمیه سی اولیانلره مقادیر مختلفه معاش و مأموریت رسمیه سی اولانلره اجرت و یریله جکی محرر اولسته و بر مأموریت ایله اجتماعی حالده معلمک اجرته تابع بولمسنه بناء عهده سنده معلمک اولدینی حالد مدرسلکه تعیین ایدیلانلرک معلمک ایچون الدقلری مبلغ اساساً اجرت اولدینی تقدیرده کاکان اول وجهله تسویه سی و معاش اولدینی تقدیرده اجرته بالتحویل فقط مدرسلک معاشلرینک عادات تقاعديه به تابع طوئلمی اقتضا ایدر. اکا کوره ایفای معامله اولمسنک مقام والای مشیختپناهی به اشعاری و مالیه نظارتنه معلومات اعطاسی تذکر قلندی. اولیاده امر و فرمان حضرت من له الامر کدر.

۱۸ ذی الحجه ۱۳۳۶ ل ۲۵ ایلول ۱۳۳۴

تعلیمات عمومی

مفتی اقدیلردن بمضاری امور و خصوصات ذاتیه لرینه متعلق معاملات ایچون مقام محبی به رسمی تحریرات ایله مراجعت ایلکده اولوب بوکجه خصوصات قانوناً استدعا اعطاسنه متوقف اولمسنه منی مذکور تحریراتلر بالطبع بلامعامله ابطال ایدلمکده اولدیغندن بعد ازین خصوصات ذاتیه ایچون مراجعت اقتضا ایلکده علی الاصول عرض حال تنظیمی ایله بول الصاق و ابطالدن صکره ارسال لیزومنک مفتی اقدیلره تعصیماً اشعاری مأمورین قلمی مدیریتدن افاده اولنه رقی ایجابی اجرا ایدلمش اولمقله طرف شریفلردن ذخی اکا کوره اقتضاسنک ایضا ونسخ ملفوفه نیک ملحقات مفتیلرینه اسراسنه همت اولنمی سیاقنده شقه محبی ترقیم قلندی.

۲۲ محرم ۱۳۳۷ ۲۹ تفرین اول ۱۳۳۴